



# STÖÐUSKÝRSLA

20. ágúst, 2014 Bárðarbunga



## RÍKISLÖGREGLUSTJÓRINN

- Meginatriði:**
- Lýst yfir hættustigi
  - Samhæfingarstöðin í Skógarhlíð hefur verið virkjuð
  - Áframhaldandi jarðhræringar
  - Rýmingu lokið seint í nótt

<b>Samhæfingarstöðin</b>	Ríkislögreglustjóri lýsti yfir hættustigi 19. ágúst klukkan 18:00, eftir að lögreglustjórnir á Húsavík og Seyðisfirði ákváðu að rýma þyrfti hálendið norðan Dyngjufjökuls vegna jarðhræringanna kringum Bárðarbungu undanfarna daga. Í framhaldinu var Samhæfingarstöðin í Skógarhlíð virkjuð og var hún fullmönnuð. Unnið var að fjölmörgum verkefnum í tengslum við rýmingu svæðisins og einnig var hafinn undirbúningur og aðgerðir vegna aukinnar virkni á svæðinu.
<b>Jarðskjálftavirkni</b>	Stöðug virkni er í norðvestanverðum Vatnajökli og er aðalvirknin norðaustur af Bárðarbungu. Yfir 300 skjálftar hafa mælst frá miðnætti. Dýpi skjálftanna er svipað og verið hefur undanfarna daga (um 10 km). Stærsti skjálftinn í nótt var að stærðinni 3.0 og varð hann um fjögur leytið í nótt. Annar skjálfti varð inni Bárðarbunguöskjunni að stærð 2,7. Engin merki eru um gosóroa.
<b>Eftirlits- og vísindamanna flug</b>	TF SIF fer í eftirlits og vísindaflug klukkan 13:00 í dag ef veður leyfir og mun fara yfir lokaða svæðið. Aflað verður frekari gagna og mælingar gerðar af jöklinum, en TF SIF er sérstaklega vel búin tækjum og um leið verða kannaðar mannaferðir á svæðinu
<b>Rýmingar</b>	Rýming svæðisins gekk vel og eftir miðnætti var búið að rýma Kverkfjöll, Dreka og Herðubreiðarlindir. Farið verður í frekari eftirgrennslan inn á lokaða svæðið í dag. Þeir sem fara inn á svæðið þurfa að hafa sérstakt leyfi Almannavarna til að fara inn á svæðið.
<b>Fjöldahjálparstöð:</b>	Rauði krossinn á Íslandi hefur opnað fjöldahjálparstöð á Mývatni. Opið var í stöðinni í nótt og hafa nokkrir ferðamenn komið í stöðina.
<b>Björgunarsveitir</b>	Björgunarsveitir Slysavarnafélagsins Landsbjargar(SL) Norðurlandi og hálendisvakt SL hafa unnið við lokanir og rýmingar á hálendinu.
<b>Lokanir á vegum:</b>	Vegagerðin hefur lokað eftirfarandi hálendisvegum í samráði við Almannavarnir F- 910 Austurleið (Dyngjufjallaleið), F903 Hvannalindavegur, F902 Kverkfjallaleið, F905 Arnardalsleið og F88 Öskjuleið . Hægt er að nálgast kort á slóðinni <a href="http://www.vegagerdin.is/media/umferd-og-faerd/Halendi.pdf">http://www.vegagerdin.is/media/umferd-og-faerd/Halendi.pdf</a>
<b>Upplýsingar:</b>	Fjölmiðlateymi er að störfum í Samhæfingarstöðinni sem veitir upplýsingar og svara fyrirspurnum. Netfangið hjá fjölmiðlateyminu er <a href="mailto:info@sst.is">info@sst.is</a> og síma 570 2643/44. <a href="http://www.safetravel.is">www.safetravel.is</a> upplýsingasíða Landsbjargar er uppfærð reglulega.
<b>Næsta stöðuskýrsla:</b>	Stöðuskýrslur verða sendar frá Samhæfingarstöðinni daglega og eftir atvikum oftast á meðan þetta ástand varir.

Ríkislögreglustjórnin almannavarnadeild

[www.almannavarnadeild.is](http://www.almannavarnadeild.is)